


docriver 文川网
入驻商家 古籍书城
在文川网搜索古籍 获取更多电子书

中國方志叢書·華中地方·第六〇三號

據 明·萬·廷謙等纂修 影印
明萬曆四十年原修，民國十二年重刊排印本

浙江省

龍游縣志



成文出版社有限公司印行

10098337*

中華民國七十二年三月臺一版

龍游縣志

全一册

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

重刊萬曆壬子龍游縣志序

咸豐季年龍游罹兵燹至劇閭里爲墟故家所藏書籍焚失殆盡亂既定求一縣志不可得幸其時先曾大父游宦廣東篋中尙存康熙舊志一帙遂成孤本歸田後慨然有修志之願顧一時未易集事慮孤本一失後益無徵爰有重刊之舉卽今通行本是也紹宋無似去歲還鄉辱父老以修志事相屬貿然自承冀完先志受事以來頗病康熙志之簡略苦不得明代舊志讀之僅檢浙江通志所引諸條以爲參證別成萬曆舊縣志輯佚一篇並爲之序以謂通志所引卽此壬子志益憾其不可得見也今歲二月朔偶訪葉君左文渭清於京師圖書館始知館中藏有此志大喜丐葉君代付鈔胥錄之越十八日而祝劼庵先生康祺書至謂於桐谿陳氏搜得此志一册於傅氏得三册合成完書爲之狂喜不寐蓋圖書館本多缺葉且印甚後有泐漶至不可讀者正苦無別本

docsriver 文川网
入驻商家 古籍书城

在文川网搜索古籍书城 获取更多电子书

校勘也互校既畢以校輯佚各條知通志所引殆多本於萬歷丙子本非盡出此志也則深悔嚮者之序爲失言吾宗岫雲諭德序康熙志譏此志不無舛漏頗中其失顧以兩志合校覺康熙志刪所不當刪者頗多而增補甚鮮於其舛漏之失未嘗有所糾正也而翻覺此志爲良略舉數端以張吾說宏治戊午萬歷丙子兩志舊序此志載之康熙志削之今兩志久亡藉此得窺其大略一也徐可求序自署邑人文中且云家世於龍是明明龍游人也康熙志削此序選舉志於徐任道注明澱水鄉人可求其昆季也康熙志削此註不有茲編何由佐證二也此志以山川屬輿地是也康熙志必析之而別立一目且不次於輿地焉以水利屬輿地亦可也康熙志必欲析之則宜入建置而別立一目果何爲耶自體例言此志亦勝三也詩文之屬附注山川建置祠祀諸志之中最爲方志陋習此志獨不然四也王街狐墓石鼓等古蹟康熙志悉不

錄按察司龍游驛之沿革亦然風俗物產祠祀中亦有爲其刪削者得此志始知之五也官師不似康熙志以後世官名施於前代甚符名從主人之例元代防守武職五人康熙志悉削之非也六也選舉志於諸人仕歷記載頗詳其行事有可嘉者並爲附注康熙志刪削甚多又元豐元年黃裳榜下注云失名所以待考甚衷闕疑之義康熙志逕刪之亦非也七也康熙志於人物補樓惠明考南齊書惠明附徐伯珍傳稱同郡樓惠明惠明果爲龍游人則奚不曰同縣而曰同郡言同郡則非龍游人可知此志不載是也康熙志又補鄭灼考陳書南史均曰東陽信安人其時新安久自太末析出而太末尙未省入信安不知何所見而補入也此志不載亦非漏略八也人物傳後附行略體例固非所宜然其略載徐泌徐庚虞彥夫余嶧王仲修徐有功徐講徐以昭方變錢康諸人之仕履與行事謂不欲盡沒其名行意頗矜慎康熙志乃悉刪之

不知諸人何辜乃遭擯棄九也宋史徐徽言傳稱徽言爲西安人通志府志亦然舊志載之以爲誤入矣今讀行略載徽言先世世系特詳且註明家縣之官塘稱官塘徐然後知載徐氏此族並非掠西安志之美康熙志旣載徽言則奚爲刪行略所述自失依據十也凡此均足補康熙志之闕失其人名地名之足以訂其刊誤者猶不尠焉嗟夫咸豐兵燹以還康熙志已成孤本今乃得此志且同時得兩本以互校之其有裨於今日之脩志者何如寧非冥冥中有相之者耶今者局事方始經用尙艱益以不才如紹宋者承其乏纂脩之業豈敢曰必竟其功而變亂相尋人事無常尤難豫度則收拾叢殘俾無遺佚固先務之急者矣因叙崖略刊而行之亦先世重刊康熙志之意也夫

民國十二年五月縣人余紹宋謹序

龍游縣誌序

夫邑之有誌如國之有史也疆城之沿革治理之興替師帥之臧否民生之榮悴人物之盛衰靡不悉而賅焉此賢知得師之地而愚不肖警心之林也故善治者無不於志修是亟矣蓋一興除亦一利病而此則百世賴之然自侈於富強之烈者或孫心於禮樂之君子此又何可易議耶吾龍舊有志因陋襲舛疑在不刊歲丁未而萬侯百谷來蒞政歲壬子而政成搜奸沃本樹鵠維風廢者舉矣缺者備矣疲者起矣媮者恬矣椎魯者彬彬矣微侯之才之德不辨是而侯尤有遠心也乃進博士鍾君邑望曹君挖揚舊志以比憲章將告成事而屬求不佞弁言於首求以是嘆侯之嘉惠吾龍未已也夫龍固巖邑而動稱狡悍此何可令隣國聞焉今所考往誌蒞事穆乎有身先之化而懿文濟以應上風猶綽有三代之遺意猶夫望邑矣教則不淑以尤其民民之不則其何憾焉侯固不易民而化也五載以治不必世百年而善以仁雖其緩急張弛應節之妙未易縷指而如所修飭整舉補偏揀敝之略與文潤邑之猷志具在也已章章乎垂簡册而昭來茲矣按今冬故事宜修覲典侯此行也挾所葺志以上應功令即不能盡

其緩急張弛應節之妙而其大者不已班班可攷鏡乎於是考功氏將舉茂異以相明
驚而侯且未必復來其或繼侯者志具在也墨可繩芳可襲絃可恢未備者可師以意
而湮沒者可循以求知政知德豈異人任而乃無紹述侯績者以永言侯思故夫侯之
嘉惠吾龍未已也求不敏無能史語以媚當事而家世於龍其所汪潤身被之即先氏
之遺跡藉不朽焉民之不能忘也康衢擊壤所自來也雖不敏亦宜從而後也

明萬歷壬子賜進士吏部文選清吏司郎中邑人徐可求謹

重修龍游縣志序

昔在周官外史掌四方之誌後世郡縣相沿勒為成書則固四方之舊也羅郊圻民社於指掌而鑿沿革經緯於善敗詔世傳遠於是乎在邑之有誌不猶國之有史哉高皇帝大一統分部而概志之區分臚列則有司為政迄今或志或否豈其分上殊耶大都令長輓邑猶蓮盧其初入境謠俗風土未及辨興利除害未及知何暇網羅載筆久之政暇慨然衡鑑自任而綜變論世考覈為難病無徵矣閩史之言不越丘里章縫之見不出井蛙良非馬遷直非董狐而欲聲實中窾臧否惟一偏聽成淆其足信者幾何病不尊矣龍丘浙衢勝壤水陸輻輳往吾鄉光祿涂公筮仕茲土故有丙子志成於一二青衿之手繁蕪蕪世未經潤色觀者未終篇而掩卷與無志等爾余承乏邑事日競競理簿書祛宿蠹之不給如文事何既三年報政吏牘漸減迺以公餘蒐舊志與廣文錢塘鍾君相業邑人曹君聞禮商確而損益之志目凡十首分野而終以雜志余不任創也增補近事汰冗酌宜一切抑揚去取令自為政寧嚴無濫不開噉名舉訟之門以昭畫一余不任因也要以義同竊取而不患無徵按籍而稽得封字所繇範防貢賦所繇

盤縮戶口所繇登耗土宜所繇虛實人物所繇盛衰宦蹟所繇隆美教化所繇維持周
友咨諏不遺餘力夫豈敢師心獨任哉知我罪我不恤矣抑因是有感于龍丘之傲
也當成弘間休養生息民靜而安俗樸而儉閭閻不識胥史幾於標枝野鹿之風迄今
吏猾民玩囂而不可治望龍丘而至止者往往以爲懼府不得展布其功能遂至數十
年無一完令厪聖天子難治之憂此其責屬之上耶屬之下耶傳曰一張一弛文武之
道又曰溫之涼之與時宜之則在司牧者矣則在司牧者矣後之睹是編者見禮而知
政於以預圖力挽潛消默奪風移俗易登之平康斯志尙亦有利賴哉

昔萬曆壬子孟冬望日文林郎龍游縣知縣事豫章萬廷謙撰

龍游縣誌目錄

卷一 輿地 舊志分野諸款二卷
分載今案為一卷

卷二 建置

卷三 祠祀 附古蹟

卷四 田賦 附物產

卷五 風俗

卷六 官師

卷七 選舉 附臨封諸條

卷八 人物

卷九 藝文 附著述

卷十 雜識 附莫祥

志凡十卷計刊板一百六
十二片在儒學尊經閣

龍游縣志 目錄

龍游縣志

明知縣南昌萬廷謙纂修

訓導錢增鑑相業校

邑人訓導曹聞禮訂

縣志圖目 周禮土訓氏掌四方地圖凡陳地大要彼圖斯見故縣境以下諸圖並列之篇首云

縣境圖 縣城圖

縣治圖 學官圖

龍江八景圖 舊志有八景總圖條理未便今分繪之俾采勝者游目

舊志序附錄凡三篇

弘治戊午重修縣志序

都御史樊鑿撰

昔者聖人王天下因地以制貢觀民而設教辨五物九等以教樹藝故凡天下之形勢土俗必藉以記之若九丘禹貢職方之類是也三代而下治不師古雖歷有志文具而已唯我朝蹟先王之舊業者既命儒臣編輯國誌復詔郡縣纂修實錄將使吏於上者知土俗之勢酌教養之宜權寬猛之治焉爾龍游令六合袁君邦振有志經世以王道故樂承王者之德意念茲邑誌舊編簡繁倒置亂雜而無章乃於製錦之暇斟酌損益折衷至當之歸斷之在已既而託高王二氏編摩成秩就秋官吳公而正焉書

成請序於予予覽之再四了其顛末綱舉目張而書法不苟首縣境正疆域也次沿革次分野明建置
雖殊而星土不易於形勝風俗戶口賦稅出產農事以及學校人物關於治道者謹錄備載不遺纖悉
其辭實其事信詳略當義條理不紊傳曰其善志此之謂歟夫百里之內山川有夷險土田有上下俗
尚物產有彼此誌不備則知不預欲治而適其宜譬如中夜有求於幽室之中非燭何見此袁君雖欲
無事於此不可得已或曰君作令是邑政平賦均風移俗易六年於此矣教養之法創置之跡其見於
志者後先相望謂由志而後善其治非所聞也答曰君子不以其所能者病人是編所以預後來之鑒
使知土地之宜奢儉之異於以盡輔相之道示儉禮之規與凡農桑水利橋梁貢賦之屬所以惠下益
上者誠所盡力而澤及無窮焉噫此其爲君子之用心是爲序

萬曆丙子重修縣誌序

知府尹燾撰

周官外史掌四方之志凡侯國皆有史官掌記時事登藏王室以備鑒觀其道盛矣秦罷侯置郡縣則
縣令固故諸侯也畫壤分符以牧長一方以主其土地人民治教之事厥任惟重故邑之地利民情土
俗之宜禮刑兵賦教養之法必謹奉我憲以時省察而弛張之慮其佚也復彙次而書於冊以告夫新
令尹者志之所繇作也龍游自有縣以來代爲要區邑名互五更易明興海內爲一龍當衝鑿之交舟
車輻輳賦役錯出文書填委部使者往往留意焉舊志兵燹無存其修於前令袁君者又多簡陋弗稱

南昌涂君奉命來知縣事修政布令釐敝剔奸肅敏溫裕民用休洽政暇詢及邑志缺軼愀然有懷謂茲政典所係堂堂鉅邑不宜怠廢不講迺取弘治中舊本延邑人余子湘童子珮相與討論纂輯蒐採舊聞參以新得芟其繁蕪補其闕遺其有未盡之指每篇復爲論列以寓憂時救敝之意總爲一十卷爲目凡二十曰輿地圖曰分野曰疆域曰山川曰溝洫曰建置曰防禦曰祠祀曰古蹟曰田賦曰物產曰風俗曰災祥曰官師曰選舉曰名宦曰人物曰藝文曰雜記以明星紀以正封略以表形勝以興水利以重民力以戒不虞以崇祀典以闡靈秘以定經制以物土貢以防民慝以垂鑒戒以修職秩以揚俊又以昭翰墨以樹風聲以備諧語王道之大端備矣書成屬予序諸首予惟志史之遺也令邑之主也修志以盡職盡職以安民由近知遠而天下之治可幾矣故曰入其國其政可知也故觀疆域山川溝洫防禦而知疆理慎固之道焉觀建置祠祀田賦物產而知綜理愛養之宜焉觀風俗官師選舉藝文人物雜記而知表率振作會通之機焉雖然石關雕麟吐之意然後可以行周官之法度政固有本也觀是志者豈徒徵一時之得失哉涂君學優而才裕其爲政識其大者如興學校建義倉節浮費循良之績皆卓然可紀故能以其餘力而及於志之事其政業之圓偉詎可涯哉予不敏辱公授簡僭爲序其大略如此云

丙子重修縣志後序

參政陸瓚撰

常謂一家之生產種種色色家之父母必錄其數目登之記籍以遺子孫是記籍一家之所繫關焉而不敢勿又以必有是記籍以遺子孫而後爲父母之心始畢而無所歎一邑之志猶一家之籍也家之父母且顧恤其家思傳其子孫而爲之籍治邑者迺忽視一邑之志謂其無裨於政而忽之其殆無父母斯民之心歟邑舊有志漫漶已久余東塗侯來令吾邑即謀及於此底今而始獲成侯廉明慈愛天植其衷兼以歷年之久凡巨而國家之征輸細而米鹽之瑣屑閭閻利弊得失靡不洞燭其隱而深中其情於是孳孳然爲之裁酌區畫而公私咸獲其利視一邑之事固無異一家之事矣今又舉其久廢之典補輯詮次俾之咸正而無缺不猶一家之數目必紀以遺子孫其同此父母之心耶雖然志以紀事似也顧察侯之心則有思深而慮遠者予不能事爲之言就其大者論之徭役昔固有定額也今則費增於倍蓰即使力爲之減省而已盡於誅求矣習尚昔固號儉嗇也今則日事於侈靡即使加意於約束而俗已漸成澆漓矣人文昔固彬彬然稱美盛也今則寥寥而鮮實效即使日從事於佔隸而芳烈遠不逮故先矣此皆載諸志中可攷也苟吾邑之父母與邑之士民感今昔之不相及深惟而力挽焉俾徭賦由之以少紓習俗由之以返朴而人文由之一洗其固陋與古昔同其美盛斯固涂塗屬望之心歟孰謂邑志無裨於政而可忽乎哉是志也侯惟繼其成而已若鄉先生余公湘布衣童君珮視草而終始之法得并書

docsriver 文川网
入驻商家 古籍书城

在文川网搜索古籍书城 获取更多电子书

龍游縣誌卷之一

輿地

保章氏九州星土之說大略相因蓋以陰陽之精本在地發於天伏見蚤莫德與政之符也故相風以物土方分象緯以昭麗次嘉生既肇蕃育斯弘此聯四民貞百度者之所必稽云爾志輿地

分野

若稽龍游曰禹貢揚州之域今為衢州支邑

天有三垣紫微太微皆將星輔弼之位而天市下垣則列國星宿在焉蓋垣有二十二星東南第六星曰吳越左氏傳曰越得星紀斗牛二宿漢書曰越地牽牛婺女之分野唐書曰得婺女比于星紀與吳越同占元史曰斗四度三十六分六十六抄入吳越之分皇明清類天文志曰兩湖當南斗須女之分又曰衡自牛五度至女三度為得之唐一行鄭夾漈之說俱不確

沿革

夏帝少康封庶子無餘于於越遂為越地南至白無北至禦兒東至郢西至姑蔑 商揚州之域 周姑蔑國子爵越附庸也及越伐吳吳土孫彌庸壽於姚自泓上觀之見姑蔑之墟 路史國名記曰姑蔑一曰姑妹太末也

秦制分天下爲三十六郡立太末縣地屬會稽孟康曰太昔隨漢高祖置郡國武帝制十三刺史郡縣如故
新莽改太末爲末治東漢獻帝初平三年分立新安縣建安四年孫權析新安置豐安縣二十
三年析太末地立平昌縣吳主皓寶鼎元年以會稽隸東陽改太末爲龍丘晉武帝太康元年平
吳分天下爲十九州東陽郡隸揚州縣仍復爲太末隸東陽宋齊梁陳皆仍之隋文帝開皇九年平
陳省太末豐安入吳寧縣廢東陽置婺州地屬婺州唐高祖武德四年置穀州又析置太末白石二
縣八年廢穀州省太末白石入信安縣仍隸婺州太宗貞觀八年析信安金華二縣復置龍丘
武后垂拱二年分信安龍丘常山三縣置衢州縣隸之如意元年析地置盈州縣證聖二年析地
置武安縣中宗神龍元年勅天下州縣自天授以來改武字並從舊省武安代宗大歷十二年升
龍丘縣爲緊縣憲宗元和七年省盈州後唐明宗長興二年吳越王錢鏐以丘爲墓不祥改龍丘
爲龍游宋隸衢州徽宗宣和四年詔天下郡縣有龍字者皆避之改龍游縣爲盈川縣高宗紹
興元年詔復爲龍游元世祖至元十三年改衢州路隸江淞行省縣仍屬之二十一年以江淞行
省爲江淞等處行中書省縣仍隸衢皇明太祖高皇帝壬寅歲改衢州府爲龍游府縣隸之丁未尋
復爲衢州縣仍舊洪武九年立淞江等處承宣布政使司衢州府縣屬之縣編戶二百一十五里
成化七年析縣之清陽鄉入金華置湯溪縣省戶三十一里縣實編戶一百八十四里

疆域

治東至金華府湯溪縣界五十里南至處州遂昌縣界九十里西至本府西安縣界三十里北至嚴州府壽昌縣六十里東南至遂昌縣界六十里西南至西安縣界四十里東北至蘭谿縣界四十里西北至西安縣界九十五里日縣治去京師四千五百里有奇南京一千四百里有奇省城五百里府治七十里

鄉一十有一都三十有八

立德鄉 舊里六新寧齋明依仁延祚光明昭陽 一都 附郭圖十舖十有五縣前旌忠石市北龍頭城角 六都 圖二在縣南十里

太平鄉 舊里八敦愛太平康厚孝順海陽昭數懷賢招賢 二都 圖二在縣西五里 五都 圖三在縣西十里 十一都 圖一在縣南十五里 太二十九都 圖四在縣西二十里

至德鄉 舊里八信義下浦遵禮社塘長坦金源從善待聘在縣東二十里 三都 圖四在縣東十里 七都 圖六在縣東十五里 十八都 圖三在縣東二十里 十九都 圖四在縣東南

二十里 二十五都 圖五在縣東五里

親仁鄉 舊里二永安樂在縣西三十里 九都 圖四在縣西三十里 十都 圖二在縣西二十五里

靈山鄉 舊里四信義孝信仁政銅陽在縣南五十里 十二都 圖二在縣南二十五里 十三都 圖一在縣南三十里 十四都 圖三在縣南四十里 十五都 圖二在縣南五十里

善化鄉 舊里四山陽昭敬福山高樓在縣東南三十里 十六都 圖五在縣東二十里 十七都 圖一在縣南二十里 三十都 圖二在縣東二十里

龍游鄉

舊里五從仁德安尚德承
袁禮德在縣東四十里

二十都 圖四在縣東
北三十里

二十一都 圖四在縣
東三十里

二十二都 圖五在縣東
北三十里

激水鄉

舊里六招賢立功和義文成
武成神化在縣東北三十里

四都 圖十二在縣
北二十里

八都 圖十二在縣
東北十五里

二十三都 圖八在縣東
北三十里

宣教鄉

舊里六千秋新興雙岩移風
箱光金堂在縣北四十里

二十四都 圖九
北四十里

二十五都 圖十二在縣
北三十里

三十六都 圖五在縣東
北四十里

三十七都

圖八在縣
北六十里

三十八都 圖三在縣北
五十五里

清化鄉

舊里四捷川昌平宜陽
平樂在縣西北四十里

二十六都 圖四在縣
北四十里

二十七都 圖七在縣西
北四十里

二十八都 圖五在縣西
北三十里

清二

十九都

圖三在縣
西二十里

萬善鄉

舊里四敦禮豐義歸仁
銅溪在縣南五十里

三十一都 圖二在縣
南五十里

三十二都 圖四在縣
南八十里

三十三都 圖四在縣
南七十里

三十四都

圖六在縣
南六十里

山川

山之在激水南者始曰楊樹之山去縣治西南八十里楊樹北行二十里為曉溪山又北十五里為天堂山其麓為延和山又東五里為靈山靈舊名徐以禱雨有應更今名有香爐峰有詩見藝文下有塔山如中流砥柱又北五里為浦坑浦坑之西為上路源源屬西安二山盤據其廣二十里則爐治之山在焉上路又迤北為岑山山有五峰如治發前之山當金華嶺之正直如而一名岑女照其山下有龍洞深不可測往有人列炬入洞光燭春聲而出光潭去洞五里其南有金承相端禮墓岑稍東為鴈蕩山又南為旗鼓山水來立旗

色鼓高二十尺音 鴈蕩循如溪嶺北五里為龜蛇山兩石相峙水中並高如鼓其形甚肖 龜蛇北二十里成爲平疇是爲縣治 楊樹

之東十里爲舵樓尖去縣治南八十里尖西北二十里爲卜塘嶺有峯卓立曰警峯又西北五里爲沐

曉其巔一峯特立曰塔山山南有天雷石高廣並二十尺以雷頭一角故名 又有半月山山有亂石如履跡相傳有異人經此 舵樓稍

北二十里爲銅鉢山有石如銅鉢名爲黃巢劍 銅鉢之北爲鹿兒尖又西爲溪口山稍西南爲楓林爲礫上楓林之西

爲東山又北五里爲白石山有詩見藝文 西五里爲下北山山有兩峯特立一名狀元峯或謂劉章讀書峯下故名 峯西一

山橫且水中曰海螺山又北爲石壁石壁循水而北爲石閣又北爲豺狗嶺白石之東爲大澳山又北

爲柘倉爲黃閣爲東京稍西北爲潛龍爲冷水爲西京又東爲舉嶺其地南人遂昌縣界 嶺東爲鳩匡厓之北爲碗

窰嶺稍西北爲鹿城山觀村山又北十里爲楊侯山楊侯戰死於此人爲山名 又三里爲鷄鳴山其下有岩幽而

遠宋呂防讀書于此常旦起開雞聲張羅漢轉中得金數十餅輸之官故名 其前爲塔山下有趙後晉鷄鳴山而東爲東岳山東華山人所發冀北五里其崇崇

自如貫珠者凡百餘名相傳即其疑塚 鳴崖東北爲獅子岩又北爲扶風山鹿兒尖正北爲霧露欄欄右出爲聖堂山其巔

爲資福山坦鎖有御碑片忠正公墓 山右爲高田爲桃源爲紫坑爲長枝爲官賽左出爲馬府即宋馬天驥宅 跨溪而東北

爲虎窰嶺爲大嶺爲鳳溪爲澤崗爲綠石塢爲龍泉山又東二十里爲羅山銅鉢之東北三十里爲方

山其山方正如冠 又東十里爲三疊岩若有石室如層樓未度宗朝嘗遺祭其神其傍有雲岩巒巒若牛若破若若泉出龍 又五里

為九峯岩即龍丘山按後漢地理志山有九石特秀林表其色丹白遠望如畫蓮花南齊書謂山多龍
種柏鬚聖之五采以龍丘甚隱居于此因以為名一名婦人岩又名相岩有詩見藝文

溪之北曰白鶴山去縣治四十里稍南為磐岩今名為范堂岩居之北為唐臺山有詩見 磐之南為橫山

西南十里為爛塘爛塘而南為播鼓山東南為丹山並丹山而右為澗溪山其下為湖岩湖岩稍東為

石峽丹山之左為六石山為蛤蜊岩 白鶴山之北十里稍西為梅嶺山由此入山之南為烏石山下

有幽岩有詩見稍西而南為太公山 梅嶺之東南十里許為鶴山山南為石龍山西為寶蓋山一名

蔚然再西南十餘里為蜈蚣山其右為周牛岡為下倪又南為楊梅壠又東為笋墩墩立周牛岡左而

南行為鳳凰山俗名其下為上山頭有餘竝岡而東為白雲山為后街山 梅嶺之西其崇者

曰白佛岩岩擊佛子于上有潭深不可測水時溢流為瀑布其南十里為杜山相傳唐杜如晦隱此有白馬西有石佛

山山間一石東為雙岩山有羊南而稍西為黃山一名紫薇山形如又南為桐岡又南為馬村山韋塘山

杜山之西北為大乘山自北入迤東為真武山其東南有胡為多屏峯東嶺西嶺其山有廟祀真武神元南

走十里為錢橋東為蓮塘又南為小豸屏山有宋馬樞又南為康山康之東為澗波岩舊有澗波亭

宋 又東為翠光岩有詩見東為鸞磬岩東陽記曰梁時有異鳥紫並錢橋東南二十里為盈川山又東三

東為鸞磬岩東陽記曰梁時有異鳥紫並錢橋東南二十里為盈川山又東三

里爲唐公埠有汪侯墓又下爲野狐墩卽團石特立江濱相傳其上舊產靈草有異人採藥於此孔世文江南野史云團石

聞出狀元宋紹興十四年大水連石轉視之正員明年劉章果大魁天下

在縣治北五里其源會開化常山江山諸水沿郡城併西安衆流以入境澱之名首見漢書陳順野王曰澱溪之水交錯如羅紋後魏酈道元水經注曰水源西出於太末故唐嘗以此置州水色清瑩如鏡深數十尺能鑒其底日照水波燦然如穀有詩見藝文在境凡八十里始入爲盈川潭盈傳名刑陳時土人惡其字易之盈之北

爲盈川故城唐置縣於此十里爲團石十五里爲亭步是爲縣治水口岸南曰泥灣北曰鹽倉一里許岐而爲二南下

者五里爲寺湖二十里爲湖鎮又五里爲萌頭潭二十里入湯溪之羅埠其北行者經童塘殿灘十里

爲張家埠又岐而爲二一入爲后溪爲斗潭卽五百人湖一趨湖岩復與斗潭之水合十里爲吟吧岩

下溪又五里爲柴埠乃合前南行之水始入蘭谿界以達於海按漢書云蜀水東北至錢塘入于海

水在澱之南者一源出於遂昌大小候水下爲赤真嶺水爲沐塵爲雙溪口入靈山港經石壁潭爲派

谿水爲賀陽水浦坑水以至於石郭綽刺坑又下爲光潭龜潭由觀村入楊侯潭流遶縣治東是爲薄

里灘而入於澱一源出於曉溪則上承三元諸水下爲柘溪合赤真水爲雙谿口桐溪其源出處

州界始入於溪經大虹橋會赤真水楓林水其源亦出處州經小虹橋與曉溪源桐溪源諸水合流入

靈山港南之東則一源出塢坑麻塢流入於馬府金村會桃源諸水經勃鳩頭水合冷水十里至楊

村坪合甘溪水又合鳳溪水以入於馬報橋 又東南則白鶴溪其源出於長枝方山官寮諸澗流經六石溪龍泉溪築溪北流五里合馬報水入寺湖 南之西曰芝溪源出於岑山流入九里橋合遏頭水三堰頭水經坊門橋入蘆荻溪以達於澗之施家埠

水之在北者曰梅嶺源出於壽昌經白鶴山下合橫山水由大治以入斗潭 幽岩之水經蛇塘又南入錦溪 山門源水出白佛岩南經下翁墩合錦溪東南過雙岩又南為烏塢經下倪為張水 黃塘源水南經低溪東遠杜嶺合金村西來水為雙溪口以入於下翁墩演口 金村源水出於壽昌西安南入縣境東遠豸屏山後出為雙溪口又一流入縣境為長溪南經前岡又南為韋溪合雙溪演口二水會於高橋由笋墩以入於澗 斗山水源亦出於壽昌經楊木橋水自石峽蛤蜊岩入於澗

湘塘陂堰井泉

在一都有西湖 去縣治南五百步宋馬天驥以樞密率祠歸澗花木亭榭擬杭西湖故名久廢湖為湖田萬歷六年儒學訓導張汝孝言於兵巡胡汝嘉知府陳爾議復其舊墩下知縣江灝之縣丞吳仁濬為兩湖連于儒學月池仍名西湖云

二都有城隍湖播箕湖 並在縣北二里二湖廣約四五畝漸田百餘畝 方家湖 在縣北三里約廣十畝 三都有杉樹湖 廣約五十畝 呂田湖

廣約百十餘畝二湖並在縣東北十里 白馬湖 在縣東十里相傳有人夜見白馬飲於湖遂即不見 稍瓜湖 廣約十畝在縣東五里 五都有詹家湖 在縣西十里約廣二百畝 後湖

湖徐 廣約十畝 九都有清皎湖 約長甲許唐大歷三年勅為放生池 後湖 約廣八畝二湖並在縣西二十五 二十都有金湖 在縣東北三十里宋制置使童用賓謝事歸隱

此於 十九都有珠湖 在縣東北二十五里 木洲琳湖 今隸湯溪 塘之在一都者有水閣塘 去縣北三百步約廣五畝 九斗塘 約廣三畝陳

家塘約廣八畝二塘並在縣東二里三都有東山塘俗名和尚塘約廣十畝稻塘約廣四畝漚田五畝通雞鳴堰十畝金家灣官塘約廣三畝彭家塘約廣十畝二塘共漚田三百餘畝陳家土新塘下新塘二塘約廣三十畝共漚田二百五十畝碩池塘約廣十五畝漚田五十畝荷花塘約廣六畝五十畝通山坑烟塘約廣八畝阮塘約廣六畝響板塘約廣七畝柯車塘約廣八畝漚田六十畝四都有白蓮塘長四十一丈闊二十丈楓不塘長四十三丈闊四十丈倪家塘長二十七丈闊二十丈注田一百二十畝大澤塘呂塘長七十丈闊三十丈注田二百五十畝上章塘長四十四丈闊四十一丈注田五百二十畝下章塘長三十七丈闊二十丈錢家塘長二十丈闊二十丈注田二十五畝新塘長五十九丈闊四十丈注田一百一十畝帥姑塘長六十丈闊三十丈注田九十六畝大塘長三丈闊三十六丈注田一百二十畝船塘長三十二丈闊三十九丈注田一百一十畝五都有後塘約廣十畝蓮塘約廣一十二畝注田一百二十畝鵝塘約廣五畝注田六十畝六都有余博塘約廣一十二畝注田一百二十畝七都有周湖塘約廣一十二畝注田一百二十畝大明塘約廣十畝注田一百二十畝周塘何村塘一八都李婆塘約廣十八畝注田七畝葉博塘約廣十八畝注田七十畝青塘約廣八畝注田八十畝上東塘約廣九畝注田九十九畝馬塘約廣五畝注田五十四畝西袁塘約廣一十五畝注田一百六十二畝何婆塘約廣十畝注田一百餘畝月塘約廣八畝注田八十畝九都有龜塘破塘約廣四畝注田二十畝蓮塘黃麻車塘約廣二十畝注田一百餘畝青肥塘約廣二十七畝注田三百畝十都有黃馱塘約廣十二畝注田一百二十畝官塘約廣十八畝注田二百畝七家塘約廣八畝注田八十畝柯車塘約廣三十畝注田五百畝十一都有高塘約廣九畝注田百畝童塘麻路塘約廣十四畝注田一百五十畝錢家塘約廣二十畝注田二百三十畝黃泥塘約廣一十畝注田一百六十畝十八都有谷水塘十九都有賀公塘約廣十畝注田三十餘畝上彭塘約廣二十畝注田二百畝久漚萬歷二年民柯樹塘約廣十五畝注田五十畝陳村塘東金塘二十都有蒲塘長四十六丈闊十八丈注田三百一十餘畝閩塘長六十二丈闊二十五丈注田五百畝

五
 與也
 五

餘 二十一都有范村塘 長四十三丈闊二十三丈注田二百一十畝 二十二都有秋租塘 長一百丈闊三十丈注田二百十畝 二十三都有姚西塘 長六丈闊二十六丈注田一百三十畝 楓木塘 長七十丈闊三十丈注田一百三十畝 橫塘 長四十三丈闊二十二丈注田七十六畝 二十四都有夏峯塘 長六十丈闊二十丈注田一百二十畝 二十五都有藥塘 長八十二丈闊三十丈注田三百餘畝 胡大塘 長五十丈闊二十三丈注田二百七十畝 白蓮塘 長六十丈闊二十六丈注田一百二十畝 廬塘 長五十五丈闊二十六丈注田二百餘畝 麻車塘 長五十五丈闊二十六丈注田二百餘畝 新塘 楊塘 蒲塘 長六十丈闊三十丈注田二百四十畝 藕塘 長一百丈闊四十丈注田四百畝 生水塘 長七十三丈闊三十丈注田一百三十畝 二十六都有華船塘 長百丈闊五十丈注田一百六十畝 店塘 長七十二丈闊三十丈注田一百五十畝 二十七都有舒村塘 長九丈闊二十三丈注田四十丈闊十五丈注田七十餘畝 二十八都有蓮塘 長一百二十丈闊四十丈注田二百餘畝 放生塘 長五十丈闊二十五丈注田一百餘畝 呂塘 長四十丈闊二十三丈注田二百六十畝 高塘 長六十二丈闊三十丈注田二百六十畝 丁塘 長六十丈闊三十丈注田三百畝 清二十九都有楊家塘 旱塘 長四十三丈闊二十丈注田九十餘畝 歇塘 長七十丈注田六十七畝 五丈注田三百畝 楊保塘 長七十二丈闊三十二丈注田一百二十餘畝 胡大塘 長一百五丈闊四十七丈注田三百五十畝 三十七都有澤塘 長一百丈闊三十丈注田七十五畝 玉塘 弘治志原無此唐丙子志 三十八都有大塘 長一百二十丈闊三十丈注田三百五十畝 石塘 長十丈闊四十二丈注田三百八十畝 蓮塘 筆塘 軍塘 長一百十丈闊四十丈注田四百三十畝 葉塘 長七十丈闊四十丈注田三百十畝 堰之在各鄉者其最巨有若十七都之姜村堰席村堰堤茅溪之水分爲二堰其所注自十一都田六

都至二都凡漑田三萬餘畝分子堰七十有二雖大旱不竭故一方受二堰之水者皆稱沃壤嘉靖四年為洪水所壞官鄭道築道馬脛八十丈以殺其勢又築峽壩一百五十丈以固其址自茲民不患漑而力也嘉靖中知縣錢仕甫修有記見藝文三都有鷄鳴堰其水自楊侯潭迤運數里由長漑以入漑漑田凡一千畝嘉靖中廢邑下簿張賈率堰長方壘等壘石築濬今廢四都有桐都堰注田一千二百畝

黃壘堰注田二百畝六都有北澤堰塋藍石溪水遶縣城達席村堰以入溪凡漑田三千畝嘉靖初知縣致鉞修築后廢自委村堰以下並萬曆四年知縣冷杰屬主簿萬鑑重加修濬有記見藝文章村堰注田二百八畝下輪堰注田三百四十畝楊侯堰注田一百六十畝七都有赤津堰注田二百十畝朱湖堰注田四百三十畝金竹堰注田三百餘畝清堰注田二百畝沐塵堰注田二百畝八都有李婆堰注田三百二十畝王婆堰官堰注田二百餘畝九都有蕙塘堰注田一百五十畝十都有劉石堰注田二百畝黃麻車堰注田五百餘畝十二都有魁元堰注田二百餘畝紅塵堰注田二百三十畝十三都有崇山堰注田一百畝十四都有檀木堰注田二百餘畝塔石堰注田二百畝席家堰注田八十餘畝十五都有麻車堰注田八十餘畝十六都有東城堰注田三百餘畝長垣堰注田四百五十畝十七都有官村堰注田二百二十餘畝十八都有龍穴堰注田二百五十畝十九都有白巖堰注田三百畝在縣三十里源出長枝堤龍泉諸水而入於白岩山下經黃公潭借石注歷時詳彭塘下諸處土田數百畝嘉靖洪水衝塌成潭而堰口堰尾具在萬曆二年知縣余杰改復其故道二十五都有童城堰注田百十畝二十六都有華船堰注田一千餘畝二十七都有茂林堰注田一百一十畝

製也

六

二

除 三十四都有沐塵堰注田二百一百餘畝

三十五都有頭堰注田一百餘畝

井泉之在各鄉者有岑山龍洞井在治西南二十里山可深入莫窮其際天將陰雨則雲氣上浮山巔土人以是占晴雨多驗龍鬚井在治南四

十里青葛澳井去龍鬚井五里二井並廣丈餘深莫測時有龍棲其間旱時鄉人召巫取水於此若有蜥蜴浮出持歸蟬雨輒應白佛巖井在治北四十五里山

門山之巔水溢出為瀑布尋丈懸瀉巖際不竭最為奇觀呂公井在治南數百步西湖上廣四尺深五尺不加登砌而土不崩泉味清冽大通

馴橋義井在治東二里永安門外正德間邑人葉茂英見負戴者渴飲溪流甚艱乃捐資鑿井於橋東衝途水洄而甘衆稱曰義井一郡義井鋪因以是名夢靈泉在治北里徐

烈女祠前嘉靖中知縣萬松始建祠嘗夢泉能知疾遠近民爭趨汲之故名涂公泉在治東三里東華山麓泉水甘冽萬曆二年始有記見

按輿地之紀昭幅員也先以分野者蓋天地象形雖有清濁上下之殊而一氣流貫十二次諸宿潛與山河脉絡災祥感召捷如影響此星土之說也圖經曰屏岑層絡澱澱龍固靈秀之區矣而封疆之當議者則曰水口之飛走也郵傳之繁疲也南堰北塘之侵蝕也所為心惟力挽者非封疆之臣誰任哉故回風氣則思補葺調要衝則思樽節防旱溢則思疏導政成人利天休滋至令司玄者睹牛女之祥光占姑蔑之善治龍民其厚幸矣

訂字生員祝世遇

龍游縣志卷之一終

docsriver 文川网
入驻商家 古籍书城

在文川网搜索古籍书城 获取更多电子书

龍游縣誌卷之二

建置

自有邑制以來環我四封規畫之周物采之美稱東藩名治固樹之觀也亦飭之隅也舉百廢以光前修系于承承靡懈故曰闡茸之習敝之叢也于叢敝奚尙焉志建置

縣治前臨白蓮橋後中街東石板街西布政分司元至正丁丑達魯花赤徹木哈兒鼎建未幾罹於兵明興洪武二年知縣翟瑛重建有記見藝文四年知縣劉庚永樂元年知縣祝淵天順五年知縣王瓚弘治

八年知縣袁文紀相繼重修嘉靖二十二年罹於火巡按御史舒汀巡歷相視檄知縣錢仕重建中爲正堂後爲穿堂又後爲後堂進之爲知縣宅正堂左爲幕廳又左爲縣丞宅前爲主簿宅又前爲典史宅正堂右爲架閣庫爲耳房庫又右爲吏廨爲寅畏堂正前爲戒石亭東西爲六房前爲儀門儀門之外右爲獄左爲土地祠前爲大門建譙樓其上大門之外左爲旌善申明二亭旌善久廢右爲總舖相對爲榜房此皆錢仕之績有記見藝文嘉靖間知縣甘用世於土地祠後剏迎賓館前是白蓮橋僅闊丈餘萬歷間知縣魯崇賢始改方廣十餘丈規模始大知縣唐興仁又盡撤榜房擴爲街道其白蓮橋下有水曰瑞蓮渠係通城秀水侵於居民久淤知縣涂杰重濬歲久復淤三十七年知縣萬廷謙乃大濬從西門故道直抵北門流入于溪清圃可掬附渠居民相率植桃李于傍

儒學去治西百步宋政和二年詔郡縣立學宮縣尉劉達元始勸葺燬于熒宣和七年縣令邵洪重建

紹興三年縣令李莘民建御書閣藏高宗御書孝經夫子像十三年改明倫堂曰泮林十九年縣令吳

芭始置學田有記見藝文淳熙中縣令董拱建四齋題曰存誠育德敏行克己嘉定元年縣令趙希灝易泮

林為登俊堂元初並燬于燹至元癸未達魯花赤撒木哈兒重建為增學田鎮守千戶周旺復建廟學

至順三年達魯花赤祭兒可馬重修有記見藝文至正未復燬于燹皇明洪武初知縣劉庚重建景泰中知

縣張惠拓地造學官解舍重修大成殿天順間知縣王瓚復建櫺星門修先賢兩廡土地祠饌堂號房

有記見藝文又改三賢祠為鄉賢祠祀漢龍丘寧南齊徐伯珍唐徐安貞宋呂防余端禮劉章胡大昌馬弘治十一年知

縣袁文紀創尊經閣于明倫堂後貯書籍四書大全易詩書春秋禮記建名宦祠于戟門左祀晉大末長江尚宋龍

苟兒張惠有記見藝文嘉靖四年知縣陳武鼎建敬一亭三十一年燬于火明年知縣錢仕重建增人名宦袁文紀陳武

通本主八人三十四年知府楊準知縣甘用世重建文廟四十五年知縣崔宗經移置敬一亭啟聖祠于文

廟西偶萬歷四年知縣涂杰以門垣墾隘於泮池前翼以外垣周五十丈又建坊門三座是年鄉宦僉

事毛汝麒續置資治通鑑綱目六十冊大學衍義補三十冊十三經註疏合一百二十冊杜氏通典四

十冊陽明年譜二冊充入尊經閣萬歷六年知縣江濯之撤去舊文昌祠新建為閣有記見藝文又於泮池

前濬兩湖復西湖之舊直抵城隍二十五年知縣都德據重置祭器仍修坊門二十九年署縣推官王